



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Broj: 01-08-M-1-1/23
Sarajevo, 23.01.2023. godine

**STRUČNA SLUŽBA ZA POSLOVE KABINETA
I POSLOVE GRADSKJE UPRAVE**

PREDMET: Pravno mišljenje na prijedlog Odluke o prenošenju obavljanja poslova komunalnih djelatnosti od javnog interesa Grada Sarajevo na Javno preduzeće za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajevo „Sarajevo“ d.o.o. – dva toaleta na Vilsonovom šetalištu
Veza Vaš akt broj:14-04-431-2/23 od 23.01.2023. godine

Postupajući u skladu sa odredbama člana 14., a u vezi su sa članom 15. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16) razmatrana je dostavljena dokumentacija za davanje mišljenja na sadržaja predloženog pravnog akta – Odluke o prenošenju obavljanja poslova komunalnih djelatnosti od javnog interesa Grada Sarajevo na Javno preduzeće za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajevo „Sarajevo“ d.o.o. – dva toaleta na Vilsonovom šetalištu. Izvršen je uvid u sljedeću dokumentaciju:

- prijedlog Odluke o prenošenju obavljanja poslova komunalnih djelatnosti od javnog interesa Grada Sarajevo na Javno preduzeće za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajevo „Sarajevo“ d.o.o. – dva toaleta na Vilsonovom šetalištu;
- Zahtjev za mišljenje broj:14-04-431-2/23 od 23.01.2023. godine;
- Mišljenje Pravobranilaštva Grada Sarajevo broj: 01-08-M-1/23 od 18.01.2023. godine;

Nakon izvršenog uvida u priloženu dokumentaciju, Pravobranilaštvo Grada Sarajeva, postupajući na osnovu ovlaštenja iz Zakona o pravobranilaštvu se očituje na način kako slijedi:

MIŠLJENJE

Pravobranilaštvo Grada Sarajevo u Mišljenju broj: 01-08-M-1/23 od 18.01.2023. godine dalo je pravno mišljenje na prijedlog Odluke o prenošenju nadležnosti obavljanja komunalnih djelatnosti od javnog interesa Grada Sarajevo na Javno preduzeće za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajevo „Sarajevo“ d.o.o. – dva toaleta na Vilsonovom šetalištu. U Mišljenju je ukazano da Odluka za predmet ima prenos obavljanja komunalne djelatnosti od javnog interesa u odnosu na toalet izgrađen od strane Grada Sarajevo na Vilsonovom šetalištu tokom 2008. godine.

Također je ukazalo da postoji pravni osnov za navedeno postupanje koji se temelji u Odluci o izgradnji, rekonstrukciji i održavanju javnih česmi i fontana, javnih kupatila i javnih nužnika („Službene novine Kantona Sarajevo“, broj: 42/07), ali i Odluci o osnivanju Javnog preduzeća za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajevo („Službene novine Kantona Sarajevo“, br.: 32/16 i 32/19), uz uvažavanje odredbi Statuta Grada Sarajevo.

Adresa: Hamdije Kreševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



Novi prijedlog Odluke o prenošenju obavljanja poslova komunalnih djelatnosti od javnog interesa Grada Sarajeva na Javno preduzeće za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajeva „Sarajevo“ d.o.o. – dva toaleta na Vilsonovom šetalištu dostavljen uz zahtjev za mišljenje broj:14-04-431-2/22 od 23.01.2023. godine, a nakon ukazanih sugestija Komisije za statut i akte, i dalje za predmet ima prenos obavljanja komunalne djelatnosti od javnog interesa u odnosu na toalet izgrađen od strane Grada Sarajeva na Vilsonovom šetalištu tokom 2008. godine.

Pravni osnov pored Odluke o izgradnji, rekonstrukciji i održavanju javnih česmi i fontana, javnih kupatila i javnih nužnika i Odluke o osnivanju Javnog preduzeća za upravljanje, zaštitu i održavanje objekata Grada Sarajeva i obavljanja komunalnih djelatnosti od javnog interesa Grada Sarajeva, sadržan je i u Statutu Grada Sarajeva (čl.: 16 i 26.) kojim je propisano da Gradsko vijeće donosi odluke, druge propise i opće akte i daje njihovo tumačenje i upravlja i raspolaže imovinom Grada Sarajeva, ali i da obavljanje pojedinih poslova iz samoupravnog djelokruga Grada Sarajeva može se, u skladu sa zakonom, povjeriti ustanovama, preduzećima i drugim pravnim licima osnovanim radi obavljanja javnih službi u Gradu Sarajevu.

Uvažavajući prednje navedeno, ali i Mišljenje Pravobranilaštva broj: 01-08-M-1/23 od 18.01.2023. godine, izvodi se zaključak da i u novom prijedlogu Odluke postoji pravni osnov spram spremnosti Grada za prenošenje obavljanja poslova komunalne djelatnosti u pogledu javnog WC-a u Vilsonovom šetalištu na JP „Sarajevo“ d.o.o. Sarajevo. Grad Sarajevo je osnovao preduzeće JP „Sarajevo“ d.o.o. Sarajevo između ostalog radi održivog upravljanja, zaštite i održavanja objekata u vlasništvu Grada i efikasnije realizacije komunalnih i drugih djelatnosti od javnog interesa u nadležnosti Grada Sarajeva.

Shodno naprijed navedenom Pravobranilaštvo Grada Sarajeva je mišljenja da za Gradsko vijeće Grada Sarajeva nema pravnih smetnji da donese Odluku kako je predloženo u sadržaju novog prijedloga Odluke uz uvažavanje ukazanih sugestija Komisije za statut i akte koje suštinski nemaju uticaja na zakonitost i utemeljenost Odluke, odnosno volju i opredjeljenje Grada Sarajeva, odnosno Gradskog vijeća Grada Sarajeva koje statutarno upravlja i raspolaže imovinom.

DOSTAVITI:

- 0 Naslovu,
- U spis.

